

嘉慶昌樂縣志



(清)

(清)

黃方遠 閻學夏 時銘 魏禮焯

纂修

本書三十二卷首一卷，據清嘉慶十四年（一八〇九）刻本影印。該書卷十一第四十一頁原版朽壞，諸館藏本皆同，無法換配。

重修昌樂縣志序

嘉慶元年丙辰秋七月煒承乏昌樂
既抵任將考其星野山川之分錯建
置沿革之始終田賦戶口之增減人
物選舉之美備學校禮樂之修明風
俗淳澆之轉移以為守土者前事師
乃披覽邑乘僅漫漶兩冊考其創始

序

則因有舊志託始於我
朝康熙之七載蓋距今已百三十有
一年矣夫

朝廷寄有司以民社之任豈惟是簿
書期會謹驛遞急催科平訟獄而已
哉將必承流宣化推廣

皇仁俾山陬海澨之民無一不含哺

序

鼓腹樂育於時雍於變之中懦立頑
廉奮興於作君作師之下然則昌樂
雖彈丸邑此百三十餘年中其所以
涵育薰陶民日遷善而不自知者若
者為名臣若者為孝子以及鄉曲之
義夫節婦當不乏人而記載缺如何
所勸導至於土地之荒墾人民之保
聚政事之損益文獻無徵何所考鏡
此重修之役無容刻緩者也第前志
修於

國初義取質潔而事實簡略既無所
考於古續志有待後人而傳舍因仍
嘉言攸伏往往有志未逮又無所証
於今一旦

聖天子下輜軒之詔欲博採風謠上登

國史有司將何詞以對焯不敏爰徵求邑接壤之安邱壽光諸城各志以定其疆域沿革之準而仿其紀考表傳分門別類之法蓋諸志以馬定宇先生之志安邱為最古壽光實祖之

序

三

於前諸城復因之於後而別裁偽體為時所稱道茲之續志亦竊取渠邱體例而小變之先之以總紀上下千古綱領携矣繼之以考若星野若山川若古蹟建置若典禮田賦若風俗兵防藝文卑高陳而人事起禮樂興而風俗同條目辨矣參之以衣曰封

建曰沿革曰秩官曰選舉曰武科曰議叙曰誥勅蓋有封建而後有秩官有秩官而後有選舉有選舉而後有誥勅數端相因不表不著焉終之以列傳曰宦績曰鄉賢首名宦而次鄉賢也曰忠義曰孝友出為名臣處為孝子也曰事功曰篤行曰文學立功

序

四

立德先於立言也曰武胄曰高士獨善不先於禦侮也曰一行一長足錄也曰僑寓地以人傳也曰方技曰烈女一藝成名苦節可風也至於肥德馬志仿史記法而焯則取隱惡之美不筆於書是役也採訪於丙辰之冬諸生趙子立本若軾若輅恒淑滙集

祖葉黃生方遠閭子學海學夏等補
苴於後而焯與邑孝廉高君鏞討論
修飾於始終閱戊午季夏而始脫藁
自媿不文屬詞蕪陋未敢急就付梓
但

盛世百有餘年教養之澤其名臣孝
子義夫節婦可以維持風化與夫土

序

五

地人民政事之可以為法守者雖未
免掛漏之嫌而採訪出於鄉人議論
公諸學校徵則筆之疑則缺之集思
廣益孜孜補綴於世遠年湮之後上
以供

國家史館他日之採下以啟營人奮
興百世之思固有司所不得辭其固

陋者後之君子庶幾裁焉
嘉慶三年歲次戊午七月上浣知昌
樂縣事豐潤魏禮焯序



序

六

昌樂縣志序

昌樂古營陵也屬青州為尚父始封地周秦以後曰劇曰斟沿革靡定石晉始立今名歷宋元明迄我

朝因之未改鐫以嘉慶丙寅四月蒞任茲土周覽四境佳氣鬱葱其間星野山川城郭祠宇與夫風土人物禮

序

樂文章當必有卓然可傳者曷以傳傳以志也今考之志良不虛志之作作於康熙十一年也距今已百有餘載夫天時人事往往月異歲不同况一邑之大歷年之久且遠質文殊尚習俗互遷而賢哲或有遞興鄉黨寧無自好顧一任其昧沒而不為之計

嘉祥所以挽頽風而扶雅化也嘉慶元年前邑令魏子禮焯慨然有事重修洎乎三年十二月志稿成旋以解組去事遂寢邑茂才黃生方遠與纂輯幸藏其稿鐫於簿書之暇亟往索讀縷晰條分極為完善因嘆魏子真先得我心而黃生亦有心人也自是

序

而叅訂遺編補數年來所未脩伊誰之責與歲丁卯六月鄂樓先生以觀察東三郡攝臬篆晉省駐節於昌汲汲以採風問俗為務詢邑志遂以前稿進蒙鑒定命重加搜輯以付梓且以費無所出引為己任曰懼累有司以及邑人也時鐫適奉調入簾比省

旋及歲暮乃延邑紳士於庭而屬以續訪事且述憲意咸感甚作而言曰吾邑志百餘年來不絕如綫今絕而復續邑之幸也敢上瀆以貽庠序差請期以三月告歲焉可是役也上以脩異日輜軒之採下以洽此方土俗之宜潛德發其光爭思自奮王道邇

序

三

而易不俟他求即一志而當年泱泱大風之盛如將見之固宜都人士各踴躍以從也誰實司牧而敢自外乎哉惟是斟酌損益聊附前人作者之後而董其成以仰副鄂樓先生諄諄垂示維持風教之至意焉斯已耳嘉慶十四年歲次己巳三月上浣

賜進士出身知昌樂縣事無錫倪鏞序



序

四

原序

邑令 賀基昌

余知昌樂之三年始克纂其邑志以上遵憲令也先是余至邑念邑爲尙父始封地綰轂青萊之衝地介而逼遞降爲編小邑地瘠而民最貧下戶比比田汚萊家廢堵邑難邑矣昔賢云吏事一載觀其令二載觀其效三載觀其成邑卽諸牒放失掌故佚闕然余於邑俗日習事日覈士大夫諸長者之軼行日考而詳所謂歐陽文忠公罔識舊聞而著撰多得之遺黎故老宿將戎卒之口欲彙一書值今

上軫則壤煩簡丁男登耗山川險易學校人材升降盛

昌樂縣志

卷首 原序

一

衰坐舍元而索輿圖不啻百二十國寶書之聚也余素弗工鉛墨又簿書盤錯中無能爲役余知交鄰州邑士大夫好學有思齋魏子爰走函而往商焉思齋言莫善乘李子乘李子博綜著弗刻書種種於茲當刻期就矣乃走使泮水廬李子至則相與訂遺帙惕惕然章京兆之對唐宣也於是辨其體例列其篇目釐其故實詳其論系編爲九類爲數十自星緯始甫匝旬而告竣李子拜手而授曰承子大夫意謀野役畢矣子大夫其更爲政余唯唯進曰李子以文獻世其家李子思大而精筆直而諒辨質而確備矣復何云獨是李子與余屬建官

舍寒燈煢爀有憲必稽片隱悉錄故自墨胎大聖以賢掛冠之子慶廢詩之偉元與夫近世之經明行篤之盧公士宗庶可稱無負而山陬水渚古墨飽壁游釣樵牧所至後之覽勝而賦或無改褒禪而嘯其不馴者則余滋幸矣幸矣且邑直郡東徼諸州邑所走集郵亭戍障輪蹄絡繹其供億騷費與諸州邑較不啻倍焉前志弗專爲一帙其於識大之義或踈不則其時除莠道飭征車轡館垣之役未至此甚也今特次之亦可以觀今昔之際矣康對山輯武功志曰使天下勿疑余蔓疑余狗斯足矣乘李子曰已聞命有家太僕愚谷公之成法在

昌樂縣志

卷首 原序

二

童而習之未敢忘也余蕭衣袂拜受而付之梓人

訓導 王文燭

粵以熙朝備典車書大一統之模盛世釐成冊府受萬方之籍登環海整鉛之貢煥章天奎璧之華事有班於獻琛榮且分乎載筆惟山左當東秦之秀壤而青齊居表海之上游所以 異命寅頒首先東夏綸音渙發遙被管邱乃有葉中仙令浮光質侯度偉黃陂胸涵楚澤具吐鳳裁犀之器揆賦湘運郢之才占蕊榜而試花封採驪珠以實武庫薄以調羹之畧小奏烹鮮佇看製錦之功行資補袞政肅清聞渡虎冶成就說飛鳧無字心

於襄陽碑畫隨車春雨潤滋南國棠花合文學政
事爲一人兼召杜班楊而備美乃羅軼聞衍舊帙延勝
彥纂成書寂聞青燈邈矣古今對榻深沉鎖院蕭然風
雅盈牀瀉穿珠貫王之詞竭黍較豆裁之量志天文則
星分虛尾光聯太乙之輝度中元枵曜列玉衡之政次
地輿則山高海阻當五侯九伯之舊疆乘馬牧民憶七
法八觀之遺烈次田賦則用一緩二宣昭治世之新猷
上下中上斟酌夏服之則壞次郵傳則周道馳軺車使
節龍頭開交路梅花次秩官則應劭博物風俗通辨掩
談天衆彥分符藁爾營惠分趙日次祠典則格幽祇社

昌樂縣志

卷首

三

俾民生有據有依崇德報功異時豐不逢不若次選舉
則拔尤得傳多思皇漢國之姿展案宣猷奏尊主庇民
之業次人物則忠孝文武皆川靈岳秀所鍾節烈清貞
胥名教人倫所賴至若志往古分茅之典志列朝錫類
之榮志高真蟬脫之蹤僊瓊笈雲翔之考又若題竭舍
於鄭郊憶咸陽於并土則志僑寓寶吉光於珍羽剖下
璞於荆山則志藝文凡此者皆採伏摘幽訂訛去穢茲
之匪云鳬短續之不謂蛇添思折薪言循其理非窮棄
寧益爲多桑滄代異辨奕局於毫端表廣殷遙縮長房
於紙上指點儼乎聚米輞編實出匠心才媿集狐寧

豹幸假數墨之緣得與典籤之列爰授稟以災梨
請鑒都而問市

邑人 田慶會

昌樂古封建國其地界濰斟之間漢以前曰剡與斟其
實易以清宋乃有今名其屬互濰互青所處乍不辨都
昌古昌邑逢萌隱處令其墓在城南齊營邱城內邑東
北鄙有都昌鎮王修北海人曰濰人齊記補諸書云北
海卽青州益都入於北海濰郭是也則是漢晉以來曰
尉曰濰曰斟易以消與營邱都昌北海了不異而掌故
家畫野分書其山川人物綸綸其一傳信不傳疑存

昌樂縣志

卷首

四

真不存誤凡此是皆王景畧睽撫諸人釣游邱墓誓宗血
胥所關余生長其區狃於前人之籍已成之篋寸帙之
中低悟過半邑志之葺難於國史所從來矣是必得一
文學吏倡奮厥事而博通津逮之君子相與證訛辨妄
比物摘詞斯不愧前齊乘齊地記諸編爾邑侯光州賀
公以名進士蒞吾邑三年政治嘗欲葺其事之麗於邑
者爲成書以 獻今值

天子徵諸芻牧所職進之館閣以助史冊公自省闕馳
歸謀之搢紳先生縫掖弟子相與討論事實商確是非
刻期就稿既畢役余例有序言余適在鍾離不得分較

而待論列洞若觀火曠若發蒙營陵一區今有志矣更
快者邑侯余今所戴張子余之執友闔子余之門人皆
於數幅之中詳其學識才力嘉惠吾邑人無窮此峽州
人士感文忠于役志輯於其境也不則邑不前有志乎
例爾例爾例而不例今於邑侯兩孝廉並見之云

邑人 劉三畏

志之義大矣哉存往迹以昭訓也貽後來以立軌也故
今海內凡郡若縣莫不各有志焉以視世之所傳奉爲
一統志加詳蓋彼最其要此盡其詳可互相考觀也矧

昌樂縣志

卷首 原序

五

是邑實古營邱之地周武王以封太公者也故曰表東
海者其太公平迄今歷世雖遠士君子猶能談之而志
顧可闕乎舊有抄本寓諸學宮往歲火逸而焚人或惜
之余則曰火之可也蓋其荒誕齟齬不可爲訓安知非
天意乎夫天不人不因人不天不成則修復更新者人
之能也天弗與焉嘉靖乙巳余守外艱杜門簡出維仲
夏姑蘇朱守愚先生以進士來牧是邑脫駕之旦卽走
使索志余所將考諏以敷宜民之政也余函刺道从缺
之故先生喟然曰邑無志猶之國無史也可乎哉蒞政
周歲無忘是典之圖因命庠士高子凌雲搜羅成編責

烈以檢閱之功至於正去取則守愚之筆甚謹嚴也嗚

呼郡邑之志稱廢缺者恒多此其故何也官師畧且怠
焉爾吾邑之志湮廢歲久廼修復於一旦休茲邑大夫
之政而高子之功亦爲不淺矣嗣是而天下而後世之
人讀其沿革志而古今之變見矣讀其山川志而形勢
之勝見矣讀其方域志而遠邇之迹見矣讀其星野志
而青休之徵淳漓之漸見矣讀其人物志田賦志而盛
衰之實盈縮之由見矣讀其物產志仙釋志而土性之
宜淫迂之異見矣庶幾爲信史乎且其不遺不雜不苛
不浮不誣秩然明備森然簡嚴庶幾爲善史乎余故樂

昌樂縣志

卷首 原序

六

述厥始末若此云

邑人 劉 雍

守愚子修昌樂縣志成過而謂余曰言之不文行之不
遠余之修是志也紀載頗詳採擇頗精予其序焉勿讓
余以志名書也余邑人也義不可辭而應之曰是五十
餘年所僅見而人快觀者也余何幸身親見之今夫地
理之思清田賦之思修祠祀之思舉建置之思寧官僚
人物之思長選舉之思不匱守愚子飾躬勵操浸有
成功而垂仁不朽矣夫何言易曰君子言有物而行有
恒守愚之爲是也可以觀有物之言矣而况寬仁明慎

知守愚者哉因書之俾刻焉

邑令 朱 木

昌樂舊未有志志實創於溪東高子余視篆初考求典故高子以成秩應焉其文簡其事核其義該足以備一邑之史高子之用心誠可嘉矣時卽欲梓行緣政物旁午未暇修輯仍今閱二載餘事變中更不無異同因畧爲之叙正云

昌樂縣志

卷首 原序

七

昌樂縣志姓氏

纂修

昌 樂 縣 知 縣 古黃賀基昌

泰閱

昌 樂 縣 訓 導 膠西王文燭

校訂

舉 人 邑人張五美

舉 人 邑人閻世繩

編次

學 首 邑人陶朗

昌樂縣志 卷首 入

學 首 邑人馮啟宗

採輯

庠 生 邑人左永吉

庠 生 邑人高迺

庠 生 邑人劉滿

庠 生 邑人劉保元

庠 生 邑人趙炳

庠 生 邑人夏銘鼎

庠 生 邑人閻世則

庠 生 邑人丁士

昌樂縣志

卷首

九

庠	庠	庠	庠	庠	庠	庠	庠	庠	庠	庠
生	生	生	生	生	生	生	生	生	生	生
邑人閻士楨	邑人劉永貞	邑人蕭漢臣	邑人劉萬載	邑人劉廣絃	邑人高大衡	邑人張翹	邑人馮其原	邑人趙一韓	邑人秦躋聖	

重修縣志姓氏

裁定

庚寅 恩科舉人昌樂縣知縣 豐潤魏禮焯

己酉 恩科進士昌樂縣知縣 無錫倪鏐

乙丑 科進士昌樂縣知縣 嘉定時銘

未閱

昌樂縣教諭 招遠王之梅

昌樂縣訓導 樂陵王駿聲

分纂

己酉 科拔貢 邑人閻學夏

昌樂縣志

卷首

十

戊午 科舉人 邑人閻學海

丁卯 科歲貢 邑人趙立本

廩生 邑人黃方遠

校對

附生 邑人趙臨莊

附生 邑人劉漢藻

附生 邑人閻毓承

附貢 邑人趙恒淑

採訪

戊辰 科舉人 邑人陳汝桂

昌樂縣



昌樂縣志

卷首


三



昌樂縣志

卷首

南



西距益都界十五里東距濰縣界二十五里北距壽光界十里南距安邱界八十里有城巍然特峙是即古營邱之域後名曰劇曰營陵曰安仁尋改昌樂已歷有年所矣邑分二十集北關集丁二千八百三十一地二百二十九頃八畝五分二釐六毫額銀一千一百十四兩三錢九分九釐南關集丁三千七百三十四地二百五十四頃六十一畝六分六釐六毫額銀二千二百三十八兩七錢九釐一毫于留集丁千八百三十六地九十九頃八十六畝八分五釐四毫額銀四百八十五兩八錢六分一毫尖塚集丁三千六百七十三地二百五十九頃

一畝四分五釐八毫額銀千二百六十兩一錢四釐三毫都昌集丁二千一百八十一地百六十九頃九十四畝三釐額銀七百四十六兩三分四釐一毫東朱集丁五千八十九地二百五十一頃二十三畝九分八釐四毫額銀千二百二十二兩二錢八分九毫辛王集丁五千九百五十一地四百四十六頃三十九畝三分六釐二毫額銀千八百七十三兩八分五釐營邱集丁萬七千八百八十一地九百五十六頃十八畝三分一釐額銀三千三百七十一兩五錢七釐四毫馬宋集丁八千四百七十五地七百六十二頃八十八畝一分九釐五毫

昌樂縣志

卷首

五

額銀二千六百八十九兩九錢二分六釐二毫阿陀集丁萬一千一百十五地七百六十頃三十一畝九分一釐六毫額銀二千七百五兩五錢七分二釐朱韓集丁千二百一十二地百八十頃五十二畝二分二釐一毫額銀六百三十六兩五錢二分一釐九毫鄆邵集丁三千三百六十九地二百五十九頃九十六畝二毫額銀千三十五兩一錢一分八釐七毫北展集丁七千三百二十三地六百二十七頃四畝一分五釐二毫額銀二千二百十兩九錢五分二釐二毫張莊集丁三千二百三十八地二百七十八頃九十四畝七分四釐二毫額

銀九百八十三兩五錢七分一毫北展集丁七千八百九十二地五百八十九頃九十一畝五分二釐九毫額銀二千四百七十五兩八分一釐喬官集丁五千六百六十四地四百七十五頃八十四畝八分六釐六毫額銀千九百九十六兩六錢七分九釐五毫邊下集丁三千八百六十四地二百五十五頃十三畝八分七釐額銀千一百八十七兩五錢四分八釐七毫南郝集丁三千四百四十四地二百十二頃十六畝三分二釐七毫額銀千七十三兩五錢三分六釐七毫西店集丁三千七百四十四地二百三十頃八十四畝六分四毫額銀千一


昌樂縣志

卷首

六

百二十三兩六分五釐二毫堯溝集丁九百十九地四十六頃六十畝四釐九毫額銀二百二十六兩五錢一分八釐二毫合二十集共計丁十萬二千三百二十六地七千三百四十六頃五十二畝六分六釐三毫額銀二萬九千六百五十六兩六分三毫邑雖賁爾決決之風猶可想見幸是邑者慎毋以割雞而不用牛刀也

城 邑




昌樂縣志

卷首

六

昌樂由來舊矣而城池創建未詳始自何年舊志但云晉僖土城萬歷間始甃以石詳建置考至崇禎十一年復築外土城詳古蹟考今土城廢圯已久惟石城堅氣如故傳曰城小而固吾於斯邑亦云



昌樂縣志例言

邑之有志猶國之有史紀考表傳諸史類然今畧仿其式非敢謂有當於古作者之意也

邑有山川如人有骨血必脉絡井井方得生動茲所記載縱不能如應邵鄴元奇傳奪目斷不可以屠沽簿張標置峙流支分派別姑還青碧生面耳

秦政焚書隋文廢學亡不旋踵世以秦隋並稱殆謂此也今絃誦遍天下先賢先儒之名號封爵俱所當共知者故備錄之亦右學之一端也

經國大猷養與教並重故田賦一編討究特詳或謂此

昌樂縣志

卷首

九

天下通制何與一邑是謂官於斯者必不秉國均生於斯者必不斷國是乎恕已量人則吾豈敢

標目風景固是騷雅韻事第非景而強名曰景景無八而強湊爲八諸志皆然竟成俗款今概刪之但於藝文存于賀二令詩不沒其舊云爾

邑有清聖祠漢魏以來代有傳作概不登錄恐見聞不廣採而不備且名公鉅製輝映藝林不敢私爲一邑光也

舊志例云文非有係於邑者雖邑人所作亦不載非不載也不勝載也從舊例

舊志例云人物生不立傳然建置修葺係何人主其事

則書其人或他傳事有連及者亦書其人以示有據今從之

旌表婦人貞節舊例滿三十年新例青年守節未及三十年而卒亦准合例今所採取皆悉遵例意非敢濫予也

歷考典禮無旌表妾婦節孝之制然有苦節奇特者亦不可泯沒無傳今皆收入附錄中於國家區別流品之法士君子闡顯幽微之義庶兩無憾焉

昌樂縣志

卷首

二十